

جَزِيدَةُ حَاكِمَتِ

جمعه ايرتسى

نومرو ۸۳۶ ربيع الاول ۳ سنه ۱۳۱۳ اغستوس ۱۲ سنه ۱۳۱۱ صحيفه ۱۱۶۹۳

(اشبو غزته بهر هفته جمعه ايرتسى كونلرى چيقار . سنه لى درسعات ايچون مجديه يكرمى غروش)
(حسابيله الشمس غروشدر . طشره لر ايچون اون بش غروش پوسته اجرتى ضم اولنور . بهر)
(نسخه سى ينه مجديه يكرمى غروش اولمق اوزره يوزپاره يه هريرده صايلور . درج اولنه جق)
(اعلاناك هر برندن بر مجديه اخذ اولنور . سنه لكه مشترى اولمق استيانلر عدليه نظارنى)
(داره سنده كانن جريده محاكم اداره سنه مراجعت ايليدر)

هيكده ومسكرات مفازه لر ينك اجارات سنويه لرى
رسمى مقاوله نامه يه مربوط اولمدينى ويا خود
اولوبده صحتنده شبهه ايدلديكى تقديرده اجارات
مبحونه مسكرات بيعيه نظامنامه سنك اوننجى
ماده سى حكمنه توفيقاً تشكيل اولنه جق هيئت
مخصوصه جانبندن تعين وتقدير اولنه جنى مثللو
اشبو هيئت مخصوصه نك قرارى كرك حكومت
وكرك صاحب ملك ويا مستاجر لر حقلرنده ضرر
وخسارى موجب اوله جنى حس ايدلديكى حالده
دخى اعضاسى عليهنده محلى مجلس اداره سنه شكلا
يت اولنه رق مجلس مزبورجه تدقيقات لازمه

قسم سى

(فى ۲۲ صفر سنه ۳۱۳ و فى ۱)
(اغستوس سنه ۳۱۱ تاريخيله بالمله ولايات)
(استيناف محكمه سى مدعى عموميلرينه ومدعى)
(عمومى بولنميان محالرمدعى عمومى معاونلرينه)
(يازيلان تحريرات عموميه صورتيدر)

بيعيه رسمنك تعين مقدارينه اساس اولان

اجرا سیله موجب محاکمه حاللری اکلایندقدده
مأند اولدینی محکمه نظامیه ده اجرای محاکمه لری
لازم کله جکی حقنده شورای دولت تنظیمات دائره
سندن تنظیم و تقدیم اولنوب با بیورلدی سامی
تبلیغ بیوریلان مضبطه ایله اشبو تحریراتک نسخ
مطبوعه کافیه سی ایجاب ایدنلره لاجل التبلیغ لفا
ارسال قلمش اولدینی بیانیه شقه مخصوصه ترقیمه
ابتدار اولندی .

شورای دولت تنظیمات دائره سنک بیک

سکز یوز التمش ایکی نومرولی
مضبطه سنک صورتیدر

مالیه نظارتنک شورای دولته حواله بیوریلان
۲۴ شوال سنه ۳۱۱ تاریخ ویوز سکسان نومرولی
تذکره سی تنظیمات دائره سنده قرائت اولندی .

مأنده لفظه ده میکده لرك دون اولان اجارات
سنویه سی بر موجب نظام تشکیل اولنان هیئت
مخصوصه طرفندن حدنصابنه بالابلاغ اوچوز



اولنوب بویله بر مقاوله نامه بولندینی و یا خود
بالذات صاحب ملک طرفندن ایشلتدیرلدیکی
ویا خود مقاوله نامه ده مندرج کرا مقدارینک
صحتنده شبهه اولدینی صورتده رسم مزبورک
تحصیلداریه ملک بولندینی محله اهالیسی معبرا
نندن درت نپردن مرکب بر هیئت تشکیلیه دکان
ومغازه نک اجاره سنویه سی هیئت مزبوره
معرفیه و کمال حقانیتله تقدیر و تعیین ایدیله جکی
واشبو تقدیر اجاره ماده سندن جانب میری به
خسار و صاحب ملکه و یا مستأجره غدر و قوعی
بر وجهله تجویز اولنه میه جفندن اوله بر او یفونستر
لق و قوعنده هیئت مذ کوره نک مسئول اوله جنی
مندرج بولنش و بیان اولنان غدر و خسارک
وقوعبولوب بولندینی محتاج محاکمه اولغله برابر
هیئت مرقومه به تحمیل اولنان مسئولیت خلاف
حقیقت و حقانیت حرکتک نتیجه سی اولمق اوزره
قانون جزاده معین اولان مجازاتدن عبارت
اوله رق نقصان و یاز یازده تحقق ایده جک اچیه بی
حکومت و یا خود صاحب دکانک منفعتنه هیئت
مرقومه بی تضمین ایله مسئول طوتمق دیمک اولد
ینی درکار اولدینی کبی بوبابده بر کونه صراحت
نظامیه اولتسزین انلری مالجه تضمین ایله مسئول
طوتمق اساساً قاعده عمومیه به مخالف کورنش

اولسنه و مواد رسومیه به مجالس اداره مراجع
تعیین اولنسنه کوره اجاره نک نقصان و یاز یازده
تقدیر اولندیفنه دائره اداره و یا صاحب ملک
ومستأجر طرفندن وقوعبوله جق شکایت و ادعانک
مجلس اداره جه تدقیقی و شکایتک صحتی ثابت
اولدینی حالده تعدیله قرار و برملکه برابر هیئت
مرقومه بی اجرای حقانیته سوق ایچون حقلرنده
معین اولان جزانک ترتیب و تعیین امور طبیعی دن
وبوقراره قناعت ایتمیان طرفک دخی استیفاف
و تمیز بولنده محافظه حقوقه مسارعت ایتمی
اصول محاکمه ایجابندن بولندیفندن اداره نک هیئت
مزبوره نک تقدیر واقعی قطعی عدایله طرفینی
یالکزه هیئت علیهنده مسئولیت دعواسی اقامه سنه
مجبور و حقوق مالیه سنی محافظه دن محروم طو
تمسنده اصابت کوریه مامش ومع هذا مسئله
اداره به عاقد بر نظامک تفسیر معناسی شکلنده بولنش
اولدینی بیانیه شورای دولتیجه حل و فصلی لزومی
در میان قلمشدر .

اقتضای مصلحت لدی المذا کره بیعه رسمنک
تعیین مقدارینه اساس اولان میکده و مسکرات
مغازه لرینک اجارات سنویه لری رسمی مقاوله نامه به
مربوط اولدینی و یا خود اولوبده صحتنده شبهه

(رژي نظامنامه سندن مابعد)

قرق اوچنجي ماده شخص ثالثك مسئوليتي حقنده اولان الله بشنجي ماده احكامنك شديداً اجراسي طلب اولنوب ماده مزبور قچاقچيلر طرفندن استخدام اولنان مأمور وموزع وخذ- متكارلر ايله قايقچي و آراهه جيلرك افعالندن انلري استخدام ايدن قچاقچيلرك مسئول اوله جفته و قچاق توتون بولنان محلك متصرف ويا مستأجرلري توتونك قچاق اولديني بيلورلر ايسه انلرك ايكنجي درجهده مسئول بالمال عد اوله جفته دائر اولد- يفتندن و محاكمجه اشبو ماده احكامنجه مسئوليتي لازم كلان اشخاص حقنده اعطاي حكم اوله جفتي طبيعي واولبابده دلائل لازمه بي محكمه به بيان ايتك رژي اداره سنه عائد اولديني كبي اشبو دلائلك تقديري دخي محكمه به راجع ايدوكندن مقتضاي حاله كوره نشينات ومعاملات قانونيه نك رژي اداره سنجه اجراسي ايجاب ايدوب بشقه جه برتديبر اتخاذه لزوم كورنما مشدر .

قرق درنجي ماده افعال ممنوعه نك تكرري ومخالفت ومقاومت وساخته اوراق استعمال حالده نظاماً اجراسي لازم كلان مجازا-

ايدلديكي تقديردده اجارات مبحونه مسكرات بييه نظامنامه سنك اوننجي ماده سي حكمنه توفيقاً تشكيل اوله جق هيئت مخصوصه جانبندن تعيين وتقدير اوله جفتي مثللو اشبو هيئت مخصوصه نك قراري كرك حكومت وكرك صاحب ملك ويا مستأجرلر حقلر نده ضرر وخساري موجب اوله جفتي حس ايدلديكي حالده دخي اعضاسي عليهنده محلي مجلس اداره سنه شكاييت اوله رق مجلس مزبور جه تدقيقات لازمه اجراسيله موجب محاكمه حاللري اكلاشلدقده عائد اولديني محكمه نظاميه ده اجراي محاكمه لري لازم كله جكنك ماليه نظارتنه اشعاري وعدليه نظارتنه معلومات اعطاسي تذكر قلندي اولبابده امر وفرمان حضرت من له الامر كدر .

في ۲۳ ربيع الاخر سنه ۳۱۲ و في

۱۱ تشرين اول سنه ۳۱۰



نك شديداً ترتيب وايضاسي و قچاق دعوالرينك محاكمجه صورت مستعجله ده رؤيت ايدلسي طلبني حاوي اولوب قچاقچيلق فعلنك تكرر نده ويا قچاقچيلقك جبر وشدت ويا ساخته اوراق استعمال- ليله اجراسنده جزاي تقدينك ايكي قات الخمسي وجبر وشدت ويا ساخته اوراق استعمال حالده جزاي تقديدن بشقه مجازات قانونيه دخي اجرا- سي قرق درنجي ماده نظاميه اقتضاسندن اولوب شوايكي صورتده خلاف نظام صادر اولان حكم عليهنده حقوق عموميه دن طولاي مدعي عمومي- ميلرجه حق اعتراضك استعمال دخي لوازم قانونيه دن بولنديفته بناءً محاكمجه ذكر اولنان ماده نظاميه احكامنه توفيق حركت وعكسي تقديردده مدعي عمومي رجه اعتراضه مسارعت اولنسنك وقچاق دعوالري حقنده محاكمجه صورت مستعجله ده ايفاي وظيفه ايدلسي حكم نظام ايجابندن بولنديني جهته دعاوي مذكوره حقنده دخي قانونك تعيين ايدلديكي درجهده التزام سرعت ايدلسنك عدليه نظارت جليله سندن تعميماً تبليغي وجرمك تكررندن وجبر شدت كبي بشقه جه حقوق عموميه بي دعوت ايدن احوال دن طولاي جزاي تقدينك ايكي قات اوله رق تحصيلنه حكم ايدلديكي تقديردده رژي اداره سنك دخي

استيفاف وتييز حقنده قانونك تعيين ايدلديكي حق اعتراض استعمال ايتسي لزومي تذكر قلنمشدر .

قرق بشنجي ماده تداخلده كالان جزاي تقديرك تحصيلي وبعدما ترتب ايده جك اولانلرك درحال استيفاسي ايجون حكومت سنه جه تدابير مؤثره اتخاذهي طلب اولنوب انجق جزاي تقديره دائر اولان احكام اعلاماتك اجراسي محاكمك دوائر اجرائيه سنه مودوع وصورت استيفاسي اجرا قانوننده معين اولديني جهته ذكر اولنان جزاي تقديرك تحصيلي ايجون بشقه جه برتديبر اتخاذهينه محل ولزوم اوليوب محكوم عليهك ماليي تجري ايله ججز وفروخت ايتديرمك ويا خود قانونك تعيين ايدلديكي حبس معامله سنك اجراسي طلب ايلمك اوزره ايجاب ايدن تدابيرك اتخاذهيله تعقيبات قانونيه ده بولنلسي رژي اداره سنه عائد اولديفتندن وقوعبوله جق مراجعتده دوائر اجرا- يه جه تسهيلات قانونيه وتسريعات ممكنه ده بولنلسنك ايجاب ايدنلره عدليه نظارت جليله- سندن تعميماً تبليغي تسبب قلنمشدر .

قرق التنجي ماده مجالس اداره نك نظاماً رؤيته صلاحيتي بولنان خصوصات دن غير بسنك

مجالس مذکورہ یہ حوالہ سہیلہ محاکم عادیہ وقوہ
 اجرائیہ نك صلاحیت ووظائفہ مجالس ادارہ جہ
 مداخلہ اولنامہ سی و تحریات خصوصندہ تعویقات
 و تاخیرات ایقاع ایدنامہ سی مادہ لری جملہ مطالبہ
 تدن اولوب مجالس ادارہ ایلہ محاکم عادیہ و دوائر
 اجرائیہ یہ تعلق ایدن خصوصات نظامنامہ تدعین
 ایداش اولدینی جہتلہ محاکمہ متعلق خصوصاتك
 مجالس ادارہ یہ حوالہ سی جائز اولہ میسجینی کی
 امور عادیہ نك و مثلاً تحریات اجراسی ایچون
 رخصت اعطاسی طلبنہ دائر اولان مستدعیاتك
 دخی مجالس ادارہ یہ حوالہ اولنامہ سی و طلب
 واقمہ قارشو تاخیرات وقوعی قچاغك تحریسی
 تصعب واخلال ایدہ جکندن بو باده و خصوصات
 ساثرده تاخیرات و تصعبیاتہ محل براغلاماسی
 ایجات ایدہ جکنہ بناء مراجعت وقوعندہ بورا
 لرینك نظر اعتبارہ النسی قرارشدیرلمشدر .
 قرق یدنجی مادہ طشرہ جہ رژی ادارہ سی
 علیہندہ شکایت وقوعندہ کیفیت مجملہ جہ تماماً
 تدقیق اولتمسزین مقامات عالیہ یہ مراجعت
 اولنامہ سی مطالبات واقعدن اولوب زراع طرفندن
 برشکایت وقوعندہ اکثر مجملہ جہ وقوع شکایت
 متعاقب دوائر مرکز یہ اشعار کیفیتہ مسارعت

وامر اولدینی حالده مأمورین حکومت ایلہ رژی
 مأمورلرندن مرکب قومیسون تشکیل اولنہرق
 ویریلہ جک قرارك باب عالینك نظر تصویب
 و تصدیقنہ عرض اولنسی و ولایتلر جہ رژی یہ
 متعلق خصوصاتك جملہ سندہ دوائر ساثرہ یہ
 مراجعت ایدلسی نشنت و تاخر مصالحی موجب
 اولمقدہ ایدو کندن رژی یہ متعلق اولوب محتاج
 سؤال واستیذان اولان موادده ولایتلر جانبندن
 مالیه نظارتہ مراجعت اولنسی و فقط زراع
 طرفندن طوغریدن طوغری یہ در سعادتہ مرا
 جعت ایدیلہ جک خصوصات اوزرینہ ایجاب
 مصلحتك باب عالیجہ و مالیه نظارتنجه اصولی
 وجہلہ قرارشدیرلمسی تسیب ایدلمشدر .



قسم غیر رسمی

جدہ مجلس تمیزندن ۱۷ نیسان سنہ ۳۱۰
 تاریخی و برعددی ایلہ ویریلان اعلامك تمیزی

استدعا ایدن رسومات امانت جلیله سی و کیلی
 نظام الدین بك ایلہ مدعی علیہ جدہ تجارندن
 عبداہ باعیشنہ و کیلی حوران سرکزیان افندی
 یوم معیندہ دائرہ یہ کیش اولدقلرندن ایضاحات
 شفاهیہ لری ایلہ باش مدعی عمومی معاونلرندن
 سعادتلو یورغاکی افندیك مطالعہ سی استماع
 قلندقدنصکرہ تدقیقات تمیزیہ اجراسنہ ابتدار
 اولندی .

اعلام مذکورك خلاصہ مالی مومی ایلہ
 عبداہ باعیشنہ کندوسنہ مصرده مقیم اردیتی نام
 اجنبی طرفندن ارسال اولنان سکنز عدد طوبرہ
 درونندہ موضوع درت بیک اوچیوز الی عدد
 فرانسزریال اچہ سنك ممالك محروسہ شاهانہ یہ دخولی
 ممنوع اولدیفنہ ذهاب ایلہ مذکور ریاللر قچاق
 حکمنندہ طوتیلہرق ضبط و مصادره سی لزومنہ
 دائر جدہ کمرک ادارہ سنجه ویریلان قراری
 حاوی تنظیم ایدیلان مضبطہ نك فسخیلہ ریاللرک
 طرفنہ تسلیمنی طلب ودعوی ایتمسنہ قارشو جدہ
 رسومات ادارہ سی و کیلی دخی اجنبی کوش اچہ
 لرینك ممالك محروسہ شاهانہ یہ دخولی ممنوع
 اولدیفندن ساثر دخولی ممنوع اولان اشیا مثللو
 مذکور ریاللرک اولبایده اولان اوامر سلمیہ

احكامه توفيقاً ضبط و مصادره سی لازم کله چکنی
مدافعه تذکار ایتسی اوزرینه اولیابده اجرا
قلنان محاکمات و تدقیقات نتیجه سنده حجاز ولایتی
داخلنده بالجله معاملاتده فرانسز ریالری تداول
ایتمکده اولدیغندن و کرجه سیم مسکوکات
اجنبیه تک ممالک محروسه شاهانه به دخولی ممنوع
ایسهده بو ممنوعیتدن حجاز ولایتی مستثنا طوتلیدی
جهتله مذکور ریالر ضبط و مصادره سی یولسز
اولدیغندن رسومات اداره سنجه مصادره به دائر
تنظیم اولنان مضبوطه تک فسخنه و سالف الذکر
درت بیک اوچوز الی عدد فرانسز ریالری تک
منع دخولیه مرسلنه اعاده ایتک و بوبابده تأمینات
الحق اوزره مومی الیه عباده باعیشدن تأمینات
المنسنة حکمدن واشبو حکم علیهنده مستدعی تمیز
رسومات امانت جلیله سی وکیلی نظام الدین بکک
لایحه سنده محرر باشلوجه اعتراضی دعوی واقعه
رسومات دائره سی علیهنده اولدینی حالده اثنای
محاکمه ده مدعی عمومینک حاضر بولدیرماسی
یولسز و مقایر قانون اولدیغندن بجنه اعلامک
تقاضی استدعاسندن مدعی علیه وکیلی حوران
سرکزیان افندینک لایحه سنده محرر نتیجه جوابی
حکم اعلام اصول و قانونه موافق اولدینی بیانیه
تصدیقی طلبندن و معاون مومی الیهک مطالعه سی

دخی دعوی واقعه اموال دولته متعلق اولدینی
حالده اثنای رؤیتنده مدعی عمومی استماع قلمامش
و منازع فیه اولان ریالری ممالک محروسه شاهانه به
ادخالی امر اخیر موجبجه علی الاطلاق ممنوع
بولنش اولدیغنه مبنی اعتراضات مسروده تک
موافق قانون اولدینی بیانندن عبارت بولمشدر .

ایجابی لدی المذاکره اعلام مذکور مآلندن
اکلاشلدینی اوزره دعوی واقعه دوائر رسمیه دن
معدود اولان رسومات اداره سنه متعلق اولسنه
کوره اثنای محاکمه سنده مدعی عمومینک حضوری
تشکیل محاکم قانونک التمش ایشنجی ماده سی
اقتضاسندن بولنش ایکن محکمه مذکور جه امور
مومی الیهک حاضر بولدیرماسی یولسز و اصول
و قانونه مقایر اولدیغندن اصول محاکمه حقوقیه
قانونک ایکوز اتوز ایکنجی ماده سی موجبجه
اعلام مذکورک تفضیله قانون مذکورک ایکوز
فرق دردیجی ماده سی حکمنه توفیقاً کیفیتک
قانون دائره سنده یکیدن بالرؤیه اعلامه ربطی
ضمننده محکمه مذکور به اعاده سنه و اعلام
خرجی اولان ایکوز غروشک ربع خرجی
اوله رق اولجه استیفا اولنان ایکوز التمش ضرور
شدن اجرای محسوبیله وزیرده مفرداتی مرقم

ایکیوز طقوز بچق غروش مسارف سائر تک
ایلروده حقسنز چقیه جق طرفه رجوع ایتک
اوزره اول امرده رسومات اداره سندن اخذینه
۱۹ کانون تانی سنه ۳۱۰ تاریخنده متفقاً قرار
ویرله رک طرفین وکیلرینه تفهیم قلندی .


چهارشنبه قضای بدایت محکمه سندن ۲۶
حزیران سنه ۳۰۶ تاریخی و سکز عددی ایله
ویریلان اعلامک تمیزینی استدعا ایدن چهارشنبه
تک کوپری باشی محله سنده مقیمه سرحوش اوغلی
طودورک زوجه سی ماریه قادی وکیلی علیکسان
افندی یوم معینده دائره به کلیوب مدعی علیهادن
بارسیخیان عوادیس وکیلی ارتین قیصریان افندی
ورود ایتش ایسهده طودور کلدیکندن وکیل
مومی الیهک ایضاحات شفاهی سی استماع قلنهرق
تدقیقات تمیزیه اجراسنه ابتدار اولندی .

اعلام مذکورک خلاصه مالی مزبورده ماریه
قادی کندیوسنک تحت تصرفنده بوانسان محل
مذکورده کائن برباب خانه ومع عرصه اخورینی

زوجی مرقوم طودور مرقوم پارسسیخیان عوا-
دیس اغایه اولان معلوم المقدر دینی مقابلنده
فضولی ترهین ایتش و مرقوم عوادیس اغا دخی
املاک مرهونه بی فروختنه قیام ایلش اولدیغندن
بجنه رهنک فکی ایله خانه و اخورک طرفنه
تسلیمینی طلب و دعوی و برقطه سند ابراز
واعطا ایتسی و مرقوم طودور دخی مذکورخانه
واخور کندوسنک ایکن دینی مقابلنده زوجه سی
مزبورده سند مبرز موجبجه تملیک ایلدیکنی
اقرار و بیان ایلسی اوزرینه دفتر خاقانی مأمور-
ریتندن بعد الاستفسار اولیابده اجرا قلنان
محاکمه و تدقیقات نتیجه سنده مزبورده ماریه مذکور
اخور و خانه فی الاصل کندوسنک اولدینی ادعا
ایتمکده ایسهده جواباً وارد اولان تذکره ده
مذکور اخور و خانه تک زوجی طودور نامنه
مقید اولدینی کوستریش اولدینی کبی مرقوم
طودور دخی مذکورخانه و اخوری کندو مالی
اولق اوزره مرقوم عوایس اغایه ترهین ایتش
اولدینی حالده مؤخرآ سالف الذکر سندده محرر
اولدینی وجهله اساساً زوجه سنک اولوب کندو-
سنک علاقسی اولدیغنی اقرار ایتسی یکدیگرینه
مناقض اولوب مذکور اخور و خانه ایسه اصولاً
مزبور پارسسیخیان عوادیس اغایه ترهین و بلزاید

صاتلمسی حقیقه اعلام دخی استحصال ایدلمش اولدیغندن مرقوم طودور و زوجہ سی ماریانک رد ادعایرینه حکمدن واشبو حکم علیهنده مستدعیه ماریانک لایحه سنده محرر اعتراضی مدعایه اولان خانہ و اخور و عرصہ به کندوسنک حق تملکی زوجی طودورک معترف به امضا و مهرینی حاوی بر قطعه سند رسمی به مستند اولدینی حالده محکمه جه بوراسنه دقت اولتامسی مغایر قانون اولدیغندن بمثلہ اعلامک تقضی استدعاسندن و بمیز علیہ پارسسیخیان عوادیس اغانک بوکا قارشو لایحه سنده مندرج نتیجه جوابی دخی مزبورہ ماریه نك اخیراً یعنی ملکیتی ادعاسنده بولندی خانہ و اخورک زوجی طودورک ملکیتی اولدینی طاہو قیدیلہ و دیون معلومه سندن طولای ترهین ایلدیکی مقام رسمیدن مصدق سندله ثابت اولسنه نظراً حکم اعلامک موافق قانون اولدینی بیانیله تصدیقی طلبندن عبارتدر .

ایجابی لدی المذاکرہ اعلام مذکور مطالعه سندن اکلاشلدینی اوزره مدعیہ مزبورہ ماریه نك بدایه عند المحاکمه ابراز اتمش اولدینی رومی العبارة سندک مالی کاملاً بالترجمه تاریخلریله برابر متن اعلامه درج و تفتیق ایدلمک و مدعی علیہ



استدعا اولنش و یوم معینده مالیه خزینہ جلیله سی طرفندن منصور بک کلوب مدعی علیهما حلبک خان السبیل محله سنده مقیمان یازیچی زاده مصطفی و اوغلی محمد اغا ورود ایتمد کلری کی جواب لایحه سی دخی کوندر مامش اولدقلرندن وکیل مومی الیهک ایضاحات شفاهیه سیله باش مدعی عمومی معاونلرندن سعادتلو یورغاکی اقدینک مطالعه سی استماع اولنهرق اصول محاکمه حقوقیه قانونسک ایکسوز یکر می طوقوزنجی ماده سی موجبجه تدقیقات تمیزیه اجراسنه ابتدار اولندی .

اعلام مذکورک خلاصه مالی مرقوم محمد اغا ایله پدیری مصطفی اغانک درعهده و التزام ایلدکلری معلوم الاسامی قرااعشاری بد لاتندن خزینہ جلیله به متباقی بورجلری اولان معلوم المقدار مبلغک تحصیلنی حکومت محلیه وکیلنک طلب و دعوی و اثبات مدعا ضمنتده برقطعه سند ابراز و اعطا اتمسنه قارشو مدعی علیهمادن کفیل بولنان مرقوم مصطفی اغا مبرز سندک مضبوطی بالاقرار انجق سند مذکورده بیان اولنان قریه لردن رسم الیاس و مکتبه و الحاجب قریه لرینک اعشاری کندولرینه احاله اولنش و بدلاری سند

مذکورہ درج ایدلمش ایکن کندولرینه تسلیم اولنمیوب اعشارینی املاک سنیه اداره سی جیایتله مذکور الحاجب قریه سنک یوز طقوز لیرا بدل مقابلنده اھالیسنه احاله ایدلدیکی ورسم الیاس و مکتبه قریه لرینکده امانت اداره اولندیقی مدافعت درمیان و اثبات مدعاسننه مدار اولنقی اوزره املاک سنیه اداره سی طرفندن درکناری حاوی معاملہ لی برقطعه عرضحالی ابراز ایتمی اوزرینہ دعوتہ اجابت ایتیمان مرقوم محمد اغا ایچون وکیل مسخر تعیینیلہ اجرا قلنسان محاکمه نتیجه سنده درعهده و التزام اولنان قرانک بدل اعشارینک مجموعی فرق ایکی بیک غروش اولوب مذکور رسم الیاس و مکتبه و الحاجب قریه لرینک اعشاری ایسه انجق اون بش بیک بشیوز اوتوز سکز غروشندن عبارت اولدقنه و بوندن مدعی علیہلرہ عائد اولان مبالغ یدی بیک یدیوز اتمش طقوز غروش اولدینی بالحساب تین و تحقق ایلمش ایدوکنه مبنی خزینہ جلیله وکیلنک طلب ایلدیکی اون بیک اوچیوز بش غروشندن یدی بیک یدیوز اتمش طقوز غروشک تنزیلیله متباقی ایکی بیک بشیوز غروشک مع فائض تحصیلنه دائر بدایه صادر اولان حکمک عندالاستیناف تصدیقنه حکمدن واشبو حکم علیهنده خزینہ جلیله وکیلنک

باشلوجه اعتراضی التزام اولنان قرانك مجموع بدلی
اولان قرق ایکی بیک غروشه نسبتله مذکور
الحاجب و مکتبه و رسم الیاس قریه لرینك بدلی
حقننده محکمه جه وقوعبولان تعیین و تقدیرك
اجراسی اهل خبریه عائد بولنش ایکن محکمه جه
خود بخود تخمین و تقدیر ایدلسی و حکمك بر ماده
قانونیه به استناد ایدلامسی و اعتراضات استینافیة نك
ردینی موجب اولان علل و اسباب متن اعلامده
بیان اولنامسی مغایر قانون اولدیغندن بجنله اعلا-
مك تقضی استدعاسندن و معاون مومی الیهك
مطالعہسی دخی عند الاستیناف در میان اولنان
اعتراضات اسباب موجبہسی کوستریله رك رد
و جرح ایدلامش و حکم واقمك مستند اولدینی
مواد قانونیه ذکر اولنامش اولسنه مبنی اعتراضات
واقمك موافق قانون اولدینی بیانندن عبارت
بولمشدر .

ایجابی مذاکره اولندقدہ اعلام مذکور
مآلندن اکلاشلدینی اوزره عند الاستیناف اعلام
ابتدائینك تصدیقی حالنده مستأنف طرفندن سرد
ایدیلان اعتراضاتك یکان یکان تدقیقله ردینی
موجب اولان علل و اسباب قانونیه نك متن اعلامه
درج ایدلك اقتضا ایدر ایکن محکمه استینافیہ جه

اعتراضات مسروده حقننده بر کونه اسباب موجبہ
کوستریله رك اعتراضات واقمك نك ردیلہ اعلام
مستأنف بهك تصدیقنه اعطای حکم اولنمسی و حکم
واقمك مستند اولدینی مواد قانونیه نك اعلامده
کوسترلامسی مغایر اصول و قانون اولدیغندن
اصول محاکمہ حقوقیه قانوننك ایکسوز اوتیز
ایکنجی مادهسی موجبجه اعلام مذکورك
تفضیلہ قانون مذکورك ایکسوز قرق دردینی
مادهسی حکمنه توفیقاً کیفیتك صورت مشروحه
دائرہ سننده یکیدن اعلامه ربطی ضمننده محکمه
مذکوره به اعاده سنه وزیرده مفرداتی مرقم
در تیروز الی سکز غروش مصارف محاکمك
ایلروده حقسز چیقہ حق طرفه رجوع اینك
اوزره اول امرده مستدعی تمیز خزینہ جلیله دن
اخذینہ ۲ تشرین ثانی سنه ۳۱۰ تاریخنده منقاً
قرار و یریله رك تفہیم قلندی .

اعلان

اوچیوز اون سنهسی ایلولنك التتجی بازار
ایرتسی کیجهسی بالنازعه ابراهامی جرح و قتل
ایلدیکی ادطاسیلہ مظنون علیه اولوب هیئت
اتهامیه دن جنایتله اتهام ایدلمش اولان اوزون
بویلی قرمزلی یوزلی عادتا اغز ایری مطروش
چکلی قومقپوده اینجیر دیننده خانه ده ساکن
قوندیره جی اوخانسیك مخدومی یکر می سکز
باشنده دیکجی اصنافندن ستراق شمدی به دکن
دردست ایدیلہ مامش و بنا برین اصول محاکمات
جزائیه قانوننك اوچیوز یتش برنجی ماده سنه
توفیقاً و تاریخ اعلاندن اعتباراً محکمه جنایتہ کلک
اوزره مرقومه اون کون مهل و یرلمش اولدیغندن
مدت مذکوره ظرفنده محکمه به کلدیکی تقدیرده
قانونه اطاعت ایتماش نظریله باقیله رق محاکمه
غیابیهسی بالاجرا حقوق مدنی دن اسقاط و اموالی
جز ایدیلہ جکی و بولندیفی محلی خبر و یرمه
هر کسك و دردست ایدرک محکمه جنایت توقیفخدا
نه سنه تسلیمه بالجلله ضابطه عدلیه مأمور لرینك
مجبور اولدقلری اعلان اولنور .

فی ۷ اغستوس سنه ۳۱۱

اوچیوز اون سنهسی کانون تانیسنك برنجی
بازار کونی ساعت اون راده لرنده بلاطده
محکمه التتده مسروب او غلی خیارك
میخانه سننده حال ابراهامی جرح و قتل ایلدیکی
ادعاسیلہ مظنون علیه اولوب هیئت اتهامیه دن
غیاباً جنایتله اتهام ایدلمش اولان قیصه بویلی
قره صاج و قاشلی اسمر یوزلی قره کوزلی عادتا
برونلی اورته اغزلی مطروش و طاووق بازارنده
عثمان افندی خاننده ترلکجی صاغر ملقونك
اوطه سننده ترلکجی قلفه لنی ایدن تکفور طاغلی
یکرمی ایکی باشنده چرکس اندریاس شمدی به
قدر دردست ایدیلہ مامش و بنا برین اصول محاکمات
جزائیه قانوننك اوچیوز یتش برنجی ماده سنه
توفیقاً و تاریخ اعلاندن اعتباراً کندوسنه اون
کون مهل و یرلمش اولدیغندن مدت مذکوره
ظرفنده محکمه جنایتہ کلدیکی تقدیرده قانونه
اطاعت ایتماش نظریله باقیله رق محاکمه غیابیهسی
بالاجرا حقوق مدنی دن اسقاط و اموالی
جز ایدیلہ جکی و مرقومك بولندیفی محلی خبر و یرمه
هر کسك و بالجلله ضابطه عدلیه مأمور لرینك
دردست ایدرک محکمه جنایت توقیفخانه سنه تسلیم
ایتمک مجبور اولدقلری اعلان اولنور .

فی ۷ اغستوس سنه ۳۱۱

محمد افندی طرفدن قسمت عسکری محکمه سی
 صدوغندن استدانه اولنان مبالغ معلومه مقابلنده
 رهین ایتیش اولدینی صالحم سکودده کوچک اذ
 حمامنده کی ربع حصه نك رهندن فك واستحلاص
 اولوق اوزره مدیون مومی الیهك حمام مذکورده
 متصرف اولوب تحت حجزه النان ربع حصه سی
 التمش برکون طرفنده اجرا قلنان مزایده علیت
 نتیجه سنده لیرای عثمانی یوز غروش حسابیلا
 اون بش بیک بشیوز غروشده طالبی عهده سنده
 تقرر ایتیش ومدت نك انقضاسنه منی قرار راده سی
 کشیده قلنه جفندن یوزده بش ضمیه طالب اولان
 ودها زیاده معلومات المقی استیانلرک تاریخ اعلاندن
 اعتباراً نهایت اوتوز برکون طرفنده درساعات
 اعلامات نظامیه اجرا دائره سنه مراجعت ایتلمری
 اعلان اولنور .

فی ۷ اغستوس سنه ۳۱۱

بقال یورکینک حسین اغا ذمتنده با اعلام
 الاجنی بولنان مبالغک تأمین استیفاسی ضمننده
 تحت حجزه النان اسکدارده خیرالدین چاوش
 محله سنده چاوش دره سی جاده سنده الی اوج
 واللی بش نومرولر ایله مرقم برطرفی بولیس
 قره غولخانه سی وبرطرفی اشکمه جی زقاغی وطرف
 رابی طریق عام ایله محدود تخمیناً ایتیش زراع
 قهوه دکانی ایله اتصالنده ایکی حیوان باغلنور
 اخشاب آخوردده متصرف اولدینی نك حصه سی
 تاریخ اعلاندن اعتباراً اجرا قانونی احکامنه
 توفیقاً اون بش کون صکره بلزایده فروخته
 مبادرت اولنه جنی اسکدار اجرا دائره سندن
 اعلان اولنور .

فی ۲۵ یوز سنه ۳۱۱

فاطمه زهرا خانمک تحت تصرفه سنده اولوب
 زوج سابق جسر مصطفی پاشاده ارامساز اون
 التنجی الایک دردنجی طابوری بیکباشیسی رفعتلو

اوقاف هایون نظارت جلیله سنک ۳۱۲ نومرولی
 اعلام موجبجه قهوه جی نجیب افندی ذمتنده
 محکوم به الاجفنگک تأمین استیفاسی ضمننده مدیون
 مرقومک تحت حجزه التمش اولان برطاقم اشیای
 منقوله سی شهر جاری رومینک اوننجی پنجشنبه
 کونی ساعت درت راده لرنده درساعاتده یکی جامع
 شریف میداننده بلزایده فروخته تشبث اولنه .
 جق طالب اولانلرک محل مذکورده مراجعت
 ایللمری اعلان اولنور .

فی ۷ اغستوس سنه ۳۱۱

- عدد
- ۱ عجم حالسی
 - ۱ عشاق حالسی
 - ۳ حالی سجاده
 - ۲ » »
 - ۱ عجم حالسی
 - ۲ لوحه
 - ۱ سجاده

۳ لوحه
 ۵ انکلیر صندالیه سی
 ۲ تقییک پوستکی
 اسماعیل حق و نیازی بکلرله راجی افندی
 ینک درساعات بدایت محکمه سی ایکنجی حقوق
 دائره سندن استحصال ایلدکلری ایکی قطعه اعلام
 موجبجه بشنجی دائره بلدییه مدیری سمادتلو
 جمال بک افندی ذمتنده محکوم به الاجقاری
 اولان مبالغ معلومه نك تأمین استیفاسی ضمننده
 مدیون میر مومی الیهك مالی اولوب محجوز
 بولنان وفروختی قرارلشدیریلان بالاده مفرداتی
 کوستریلان اون قلم اشیانک تاریخ اعلاندن اعتباراً
 اوج کون صکره یعنی اغستوسک اوننجی پنجشنبه
 کونی جواهر بدستاننده مزایده سی اجرا اولنه .
 جفندن اشترایه طالب اولنلرک یوم معین
 مذکورده حاضر بوللمری درساعات اعلامات
 نظامیه اجرا دائره سندن اعلان اولنور .

فی ۷ اغستوس سنه ۳۱۱

فضيلتو حسين حسنى افندى حضرتلرينك
 عزيزه و امانه خانملىر ذمتنده با اعلام شرعى الاجنئ
 اولان مبالغ معلومه نك تايمين استيفاسى ضمتنده
 مديونتان مزبور تانك مناصفة عهده لرنده اولوب
 مرهون و وكالت دوريه ايله فروختى محكوم بولنان
 قاسم پاشاده بدر الدين محله سنده ياشمق جيران
 زقاغنده واقع اون اتى نومرو ايله مرقم تخميناً
 ايكيوز يكرمى بش زراع برقطه عرصه نك اشبو
 تاريخ اعلاندن اعتباراً اون بش كون صكره
 فروخته تشبث اولنه جفتدن طالب اولانلرك
 پى سورمك و بوندن دها زياده تفصيلات الموق
 استيانلرك مدت مذ كوره ختامندن صكره
 در سعادت اعلامات شرعيه اجرا دائره سنه مرا-
 جعت ايلملرى دائره مذ كوره دن اعلان اولنور.

تاريخ اعلان ۹ اغستوس سنه ۳۱۱

محل اعلان ۱۱۷۰۸

محل اعلان ۱۱۷۰۸

اوله رق در سعادت بدايت محكمه سى برنجى حقوق
 دائره سنده اقامه ايدوب مرقوم پترو دن تحصيلاتى
 غياباً تحت حكمه الديرمش اولد ينى يكرمى سكرى
 ليرا بدل اجبارى حقتنده دائره دن بالاستحصال
 مرقومك اقامتگاهى اوله رق خبر و يريلان مذ كور
 محله كوندرلش بولنان اعلام صورتى مذ كور
 شربتخانه ده مرقومك بولنه ميوب نرديه كيتديكى
 دخى مجهول ايدوكى محله سى مختارى طرفندن
 ظهر علم و خبره و يريلان شرحه افاده قلمقندن
 طولانى تبليغ اولنه مامش اولد يغه و مرقوم
 استليانوس ايسه مذ كور اعلام صورتنك محكمه
 ديوانخانه سنه تعليقيه بر صورتنك دخى غزته لر ايله
 اعلاتى طلب ايدوب بوايسه اصول محاكمه حقوقيه
 قانوننك يكرمى اتى و يوز قرق التنجى ماده لرينه
 موافق كورلديكنه مبنى مذ كور ماده لر احكامنه
 توفيقاً مذ كور اعلامك بر صورتى محكمه ديوانخانه
 سنه تعليق اولد ينى كى بر صورتى دخى بوجاهله
 اعلان ايتديرملك صورتيله مرقوم پترويه تبليغ
 اولنور.

في ۳ صفر سنه ۳۱۳ و في ۹ اغستوس سنه ۳۱۱

(مطبعة عامره ده طبع اولنمشدر)

در سعادتده روم ايلي فابريقه سنده ساكن
 استليانوس ليعورياديسك فنارده سو كياس شربتخا-
 نه سنده مقيم مسكر اتجى پترو ولد يوركى عليه نه